

永樂北藏



永樂北藏

趙樸初題



永樂北藏第一四三冊目錄

○大唐內典錄 續前 (本冊卷第四下至續錄 修六—富六)

○集神州塔寺三寶感通錄 四卷 唐道宣撰 (富七—十)

○開元釋教錄 三十卷 唐智升撰 (本冊卷第一至卷第九 車一—駕三)

三四五
四八一

弘傳經教通代興隆其中高者無越...
字叔達蘭陵人也承齊建命亦都建康...
思濟同受等覺妻洪臨明盛弘經教廣...
古旁採遺文扇以涼風利之法俗祖...
專事老氏及既大寶下勅斷之唯以佛...
物成務天監七年帝以正像像末信重...
三藏彌綸詳能該洽勅沙門僧旻等撰經律

之周治未安又勅沙門寶唱之續經目乃...
譯有無證經其凡十七科類為覽...
二梁凡七帝八十七年五十年在金陵錄在...
江陵譯經道俗二十一人所出經律傳記...
九十部凡七百八十卷為二梁錄云
沙門尼僧法...
沙門釋僧盛...

大唐內典錄卷第四下

唐沙門釋道宣撰

修六

梁朝傳譯佛經錄第十二

弘傳聖教隨代興隆其中高者無越梁祖衍
字叔達蘭陵人也承齊建命亦都建康登極
思濟同契等覺垂拱臨朝盛弘經教廣延博
古旁採遺文扇以淳風利之法俗祖禰相承
尊事老氏及臨大寶下勅斷之唯以佛宗開
物成務天監七年帝以正像侵末信重漸微
三藏彌綸鮮能該洽勅沙門僧旻等撰經律

永樂北藏

大唐內典錄

第一四三册

異相以類相從凡五十卷皇太子綱撰法寶
聯璧二百餘卷諸餘雜集其徒寔繁又勅沙
門僧紹撰華林佛殿衆經目錄四卷帝具省
之周洽未委又勅沙門寶唱更續經目乃顯
譯有無證經真偽凡十七科頗為覲縷前後
二梁凡七帝八十七年五十年在金陵餘在
江陵譯經道俗二十一人所出經律傳記等
九十部凡七百八十卷為二梁錄云

沙門尼僧法

二十一卷經

沙門釋僧盛

一部一
卷戒法

永樂北藏

大唐內典錄

第一四三冊

沙門釋妙光一卷經一部一

沙門釋僧祐三卷集記傳

沙門釋道歡一卷偈一部一

沙門曼陀羅三卷經一部一

沙門僧伽婆羅八卷經論傳

清信士木道賢一卷經一部一

西蕃王子月婆首那一卷經一部一

沙門真諦六卷經論疏記

沙門釋僧旻八卷經抄

沙門釋僧紹一卷經四目

沙門釋寶唱七卷雜錄

沙門釋法朗二卷注經

沙門釋智藏一卷義林

武皇帝一卷注經

沙門釋慧今二卷經抄

沙門釋慧皎四卷僧傳

清信士袁曇允一卷論抄

簡文帝網一卷法集

湘東王文學虞孝敬內典傳要

淨土經七卷永元元年出年八歲
妙莊嚴經四卷

妙音師子吼經三卷天監四年出

益意經二卷天監三年出

阿那含經二卷天監四年出

寶頂經永元八年出

法華經永元九年出

藥草經三年出

加耶婆經三年出

優婁頻經十年出

華嚴瓔珞經永元十三年出

出乘師子吼經三年出

踰陀衛經四年在臺內華光殿出

優曇經維摩經

序七世經

右二十一部合三十五卷太學博士江

泌女小而出家名僧法年八九歲有時

修六

靜坐閉目誦出前經揚州道俗咸稱神

授長房云驗於經論斯理皎然是宿習

來非關神授且據外典夫子有云生而

知者聖學而知者次此局談今生昧於

過往耳若不爾者何以得辯內外賢聖

淺深過現乎故高僧傳云釋曇諦者俗姓康氏其先康居人漢靈帝時移附中國獻帝末亂移止吳興諦父彤嘗為冀州別駕母黃氏晝眠夢見一僧呼為母寄一麈尾并鐵鏤書鎮黃既眠覺見二物具存秘密異之因而懷孕生諦諦年五歲母以麈尾等示之諦曰秦王所餉母曰汝置何處答曰不憶至年十歲出家學不從師悟自天發此即其事後隨父之樊鄧遇見關中僧碧道人忽然喚

碧碧曰童子何以呼宿士名諦曰阿上本是諦沙彌曾為衆僧採菜被野猪傷不覺失聲今可忘耶然僧碧經為弘覺法師弟子為僧採菜被野猪所傷碧初不憶此乃詣諦父諦母具說諦生本末并示碧書鎮麈尾等碧乃悟而泣曰即碧先師弘覺法師也師經為姚萇講法華貧道為都講姚萇餉師二物今遂在此追計弘覺捨命正是寄物之日傷憶採菜之事彌增悲悼諦後遊覽內外遇

物斯說晚入吳虎丘山寺講禮易春秋
各七徧法華大品維摩各十五徧又善
屬文有集六卷盛行於世年六十餘終
宋元嘉末年也房曰弘覺法師弟子僧
碧師徒匠導名重二秦什物三衣亦復
卷六
何限惟書鎮麈尾保惜在懷及移識託
生此之二物遂得同往神外質礙之像
尚得相隨況心內慮知之法而不憶念
所以鏡瑩轉明刃砥彌利滴聚爲海塵
積成山世世習而踰增生生學而益廣

近匹初始之月終至十五團圓捨入還
受人即是次生事憶而弗忘其神功乎
閉目靜思自是女人情弱暗誦相續豈
非前身時諷而論神受何乃愚瞽昧智
慧之道乎

薩婆若陀眷屬莊嚴經

右一經天監九年郢州頭陀道人妙光
詣揚州治下普弘寺出此經聚徒誑惑
梁朝擯治故指斥明示以誠於後
教戒比丘尼法

右一卷武帝天監三年揚州沙門釋僧

盛於鍾山靈根寺依律撰出見寶唱錄

出三藏集記十六卷

法苑集五卷

弘明集四卷

世界記一卷

薩婆多師寶傳五卷

釋迦譜四卷更有十卷
本余親讀之

大集等三經記

賢愚經記

集三藏因緣記

經來漢地四部記

律分十八部記

律分五部記

十誦律五百羅漢出三藏記

善見律毗婆沙記

右一十四部合六十三卷揚州建初寺

律師釋僧祐撰故祐三藏記序云夫真

諦玄凝法性虛寂而開物導俗非言莫

津是以不二默訓會於義空之門一音

震辯應乎群有之境自我師能仁之出

世也鹿苑唱其初言金河究其後說契

經以誘小學方典以勸大心妙輪區別

十二惟部法聚總要八萬其門至善逝

晦跡而應真結集始則四舍集經中則

五部分戒大寶斯在含識資焉然道由
人弘法待緣顯有道無人雖文存而莫
悟有法無緣雖並世而弗聞聞法資乎
時來悟道藉於機至然後理感時來方
乃化通矣昔周代覺興而雲津致隔漢
世像教而妙典方流法待緣顯信有徵
矣漢末安高宣譯轉明魏初康會注述
漸暢道由人弘於茲驗矣自晉氏中興
三藏彌廣外域勝賓稠疊以總至中原
慧士煒曄而秀生提什舉其宏綱安遠

震其輿領渭濱務逍遙之集廬岳結般
若之衆像法得人於斯爲盛原夫經出
西域運流東方提挈萬里翻轉梵漢國
音各殊故文有同異前後重來故題有
新舊而後之學者鮮克研覈遂乃書寫
繼踵而不知經出之歲誦說比肩而莫
測傳法之人授之受道亦已闕矣夫一
時聖集猶王事證經況千載交譯寧可
昧其人世哉昔安法師以鴻才淵鑒爰
撰經錄訂正聞見炳然區分自茲已來

永樂北藏

大唐內典錄

第一四三冊

妙典間出皆是大乘寶海時競講習而年代人名莫有詮貫歲月逾邁本源將沒後生疑惑奚所取明祐以庸淺預憑法門翹仰玄風誓弘末化每至昏曉諷持秋夏講說未嘗不心馳菴園影躍靈鷲於是牽課羸恙沿波討源綴其所聞名曰出三藏記集一撰緣記二銓名錄三總經序四述列傳緣記撰則原始之本克明名錄銓則年代之自不墜經序總則勝集之時足徵列傳述則伊人之

風可見並鑽析內經研鏡外籍參以前識驗以舊聞若人代有據則表為司南聲傳未詳則文歸蓋闕秉牘凝翰志存信史三復九思事取實錄有證者既標則無源者自顯庶行潦無雜於醇乳燕石不亂於楚玉矣其法苑等並皆有序著述指訂不復具抄焉

衆經要覽法偈

二十一首

右一卷武帝天監三年沙門釋道歡撰僧祐三藏集記注以為疑故依舊編

寶雲經七卷見東錄

法界體性無分別經二卷見李廌錄及寶唱錄

文殊師利般若波羅蜜經二卷或有說字見李廌錄

右三部合一十一卷天監年初扶南國

沙門曼陀羅梁言弘弱大賁梵本經來

貢獻雖事翻譯未善梁言其所出經文

多隱質共僧伽婆羅於揚都譯

阿育王經十卷第二出天監十一年六月二十日於揚都壽光殿譯初翻日帝躬筆受後付慧超合繼訖見寶唱錄

孔雀王陀羅尼經二卷第二出與晉世帛尸利蜜譯本同文少異見寶

永樂北藏

大唐內典錄

文殊師利問經二卷天監十七年勅僧伽婆羅於占雲館譯表曇允筆受

度一切諸佛境界智嚴經

菩薩藏經先定寺沙門法雲譯定

文殊師利所說般若波羅蜜經第二譯小勝前曼陀羅所

舍利弗陀羅尼經此呪大有神力若能持者雪山八夜叉王常來擁護

八吉祥經若人聞此八佛名號不為鬼神眾難所侵

隨心所欲

隨心所欲

隨心所欲

隨心所欲

第一四三冊

十法經

並普通年譯

解脫道論

一十三卷天監十四年於占雲館譯

阿育王傳

五卷天監年第二譯與魏世者小異

右一十一部合三十八卷正觀寺扶南

沙門僧伽婆羅梁言眾養亦云僧鎧幼

而穎悟十五出家偏學阿毗曇心具足

已後廣習律藏聞齊國弘法隨舶至都

住正觀寺為求那跋摩弟子復從跋陀

研精方等博涉多通乃解數國書語值

齊氏季末道教陵夷婆羅靜繫身心外

絕交故大梁御寓搜訪術能以天監五

年被勅徵召於揚都壽光殿及正觀寺

占雲館三處譯上件經其本並是曼陀

羅從扶南國賣來獻上陀終沒後羅專

事翻勅令沙門寶唱慧超僧智法雲及

袁曇允等筆受天子禮接甚厚道俗改

觀婆羅不畜私財以其觀施成立住寺

太尉臨川王所重

優婁頻經

右一卷唱錄直云天監十五年木道賢

獻上更不辯由委

大乘頂王經

亦云維摩經第二出與晉世竺法護大方等頂王經同本異出文少異

右一部武帝世大同年優禪尼國王子

月婆首那梁言高空辭齊入梁仍被留

住因譯此經

修六

九

金光明經

七卷承聖元年於正觀寺及揚雄宅出是第二譯與梁世曇無讖出者全長

四品

彌勒下生經

承聖三年於豫章寶田寺出是第二譯

仁王般若經

是第三譯與晉世法護出者少異大同三年在寶田寺見曹毗

永樂北藏

大唐內典錄

真諦譯

十七地論

五卷太清四年於富春陸元哲宅為沙門寶瓊等二十名德譯

大乘起信論

大同四年在陸元哲宅出

中論

如實論

十八部論

本有無論

三世分別論

已上並四年同出

金光明疏

十三卷太清五年出

仁王般若疏

六卷太清三年出

起信論疏

二卷太清四年出

中論疏二卷

九識義記

二卷太清三年於新吳美業寺出

第一四三冊

永樂北藏

大唐內典錄

第一四三冊

轉法輪義

已太同三年出

右一十六部合四十六卷武帝末世至

承聖年西天竺優禪尼國三藏法師波

維末陀梁言真諦遠聞蕭主菩薩行化

搜選名匠軌範聖賢懷寶本邦來適斯

土所貴經論樹葉梵文凡三百四十夾

若具足翻應得二萬餘卷多是震旦先

所未傳屬梁季崩離不果宣吐遇緣所

出略說如前後之所翻復顯陳錄載序

其事多在曹毗三藏傳文長房曰僧祐

云道由人弘法待緣顯信哉昔有人有

法無緣不值時今遇良時好緣而闕人

無法蒼生可愍良足悲夫矣

衆經要抄

一部并目錄八十八卷

右一部天監七年十一月帝以法海浩

博淺識窺尋卒難該究因勅莊嚴寺沙

門釋僧旻等於定林上寺緝撰此部到

八年夏四月方了見寶唱錄

華林佛殿衆經目錄

卷四

右一錄天監十四年勅安樂寺沙門釋

僧紹略取祐三藏集記目錄分為四色

餘增減之見寶唱錄

經律異相

一部并目錄五十五卷天監十五年勅撰

名僧傳并序目

三十卷一卷

衆經飯供聖僧法

五卷亦十五年

衆經目錄

四卷十五年

衆經護國鬼神名錄

三卷十五年

衆經諸佛名

三卷十六年

衆經擁護國土諸龍王名錄

三卷十六年

衆經懺悔罪方法

三卷或四卷十六年並見寶唱錄

出要律儀

二十卷

右九部合一百二十七卷帝以國土調

適住持無諸災障上資三寶中賴四天

下藉龍王衆神祐助如是種種世間蒼

生始獲安樂雖具有文散在經論急要

究尋難得備觀故天監中頻年降勅令

修六

莊嚴寺沙門釋寶唱等總撰集錄以備

要須或建福禳災或禮懺除障或饗神

鬼或祭龍王諸所祈求帝必親覽指事

祠禱訖多感靈所以五十年間兆民荷

賴緣斯力也

大般涅槃子注經

七十卷

右一部天監年初建元寺沙門釋慧朗

注見寶唱錄

摩訶般若波羅蜜子注經

五十卷或一百卷

右一部武帝蕭衍年三十七即位
在位四十九年年八十六帝以庭蔭早傾常
懷哀感每歎曰雖有四海之尊無以得
申罔極故留心釋典以八部般若
是十方三世諸佛之母能消除災障
蕩滌煩

勞故採衆經躬述注解又親講讀冀藉
茲勝福望得展斯思慕頻奉代捨身時
地爲之震相繼齋講不斷法輪於鍾山
起大愛敬寺青溪起智度寺臺內立至
敬殿景陽臺立七屆室月再過設淨饌
每至展拜及宗廟蒸嘗未曾不涕泗滂
沲哀感左右預從者莫不掩淚普通八
年造同泰寺成樓閣殿臺房廊綺飾凌
雲九級麗魏永寧開大通門對同泰寺
因號大通元年三月大駕每親臨幸寺